

元和縣志



元和縣志卷之二十四

人物

文震孟待詔徵明曾孫也初名從鼎字文起號湛持弱冠舉於鄉十上禮部至天啓二年成進士廷對第一授翰林修撰時太監魏忠賢擅權禁講學興黨議謀盡斥正人震孟上疏言勤政講學之實必君臣相對如家人父子則左右近習無緣可以蒙蔽又言空人國逐名賢不減唐宋清流僞學之禁云云忠賢覽之怒摘疏中語爲譏訕矯旨予杖輔

元和縣志

卷二十四

人物

一

臣力救免得降調未幾以孫文豸步天歌事株累削籍步天歌者哀熊廷弼詩也事見陳仁錫傳震孟未第時讀書竹塢中至是歸居吳趨之青瑤嶼與里中周忠介順昌及甥姚文毅希孟砥礪志節旣忠介被逮震孟自度不免預經理家事俟緹騎至卽自裁後偶不及於禍崇禎改元復原官進中允諭德充日講兼纂修官其在講筵講君使臣以禮章反復規諷帝卽出尚書喬允升侍郎何世賞於獄一日講尚書五子之歌至爲人上者奈何不

敬帝時以足加膝聞其語卽以袖掩之徐引下其
嚴憚如此故事經筵缺春秋帝以有關治道命擇
人進講震孟講至宰咍歸贈言咍位六卿之長而
壞法亂紀自王朝始焉用彼相大臣爲之側目八
年七月陞少詹事旋進禮部侍郎兼東閣大學士
入閣辦事先是呂純如爲魏忠賢黨已定逆案後
交結吏部欲借邊才起用震孟糾之與溫體仁不
合繼又論挺擊紅丸移宮三案不合方謀中傷而
未有隙旣同入直因深衷俟之每擬旨必商之震

孟震孟踈畧不及防後借許譽卿事傾之遂落職
許譽卿者故劾魏忠賢者也官給事中震孟欲用
爲南太常體仁喉尚書謝陞誣譽卿通震孟姻親
申紹芳營求美官體仁擬削譽卿籍震孟曰科道
爲民極榮事也公玉成之矣體仁露章揭此語帝
怒逐震孟歸在內閣止二閱月歸甫半載值姚希
孟卒哭之慟未十日亦卒無恤典又四年詔復職
贈官南渡後追諡文肅

亡錫字明卿別號芝臺世居大姚里少舉於鄉七

上春官不第天啓壬戌以第三人入翰林讀書東
觀凡天官律歷方輿水利兵刑象數之學皆通之
熹宗朝璫勢烈甚仁錫以講官重望會逆奄魏忠
賢父子冒功求給鐵券使私人邀草誥詞仁錫奮
曰頭可斷誥不可草由是觸逆奄怒居數日進士
顧同寅生員孫文豸妖言獄起兩人皆太倉人也
以步天歌悼熊廷弼爲兵馬司所捕御史門克新
鍛鍊成獄詞連文震孟及仁錫先後削籍歸崇禎
初起原官署國子司業爲文深醇簡潔三雍之士

元和縣志

卷二十四

人物

三

一時爲之不變年五十六卒諡文莊著書千餘卷
藏於家

顧麒號桂里由海虞卜居葑門天賜莊闡明理學隱
居教授負笈門下者多一時名士著有理學宗旨
經史表微座右格言等集私諡文莊墓在葑門外

匠門塘受字圩

楊果撰
誌銘

顧宗孟字巖叟世居天賜莊少孤讀書敦行事母以
孝著萬歷己未成進士釋褐知浙江定海縣事縣
多盜常探丸相聚爲亂發伏摘奸殲其魁盜悉以

平天啓初以卓異徵入爲監察御史時璫禍猖熾
三吳士大夫如周忠介忠毅兩公皆相繼被逮宗
孟心傷力爲挽救幾陷不測無何而兩周公詔獄
死乃嘆曰有老母在未敢以身殉也遂告歸歸之
日母疾方甦躬親色養母性嚴毅歲時衣繡承歡
小不適卽命杖猶作孺子泣有直指詣門門者入
告適長跪北堂不敢起直指逡巡移晷爲歎息去
年五十二以母喪哀毀卒私諡孝介

嚴桓字德威號公介文靖公訥之孫中翰治子也治

元和縣志

卷二十四

人物

四

自常熟移家長洲之南倉橋遂爲長洲人桓幼喪
母五歲繞文靖公膝見兒有伍行人傳就閱之文
靖曰孺子何知桓曰易解耳篇中大義了然文靖
奇之年十二補諸生纂述前聞聲譽日起所交皆
當代名人如文閣學震孟姚宮詹希孟顧侍御宗
孟相與晨夕切劘者也徐宮詹汧李侍御模後起
而師事者也然諸公通籍後未嘗輕歛其門諸公
有國事必就訪桓爲條分縷析不少隱試屢躓絕
利祿曰知遇可忘書不可不讀顏其齋曰困學

蒐歷代名賢理學經濟諸書手自鈎纂積百餘帙
崇禎癸未沒年六十八

先祖文字叔經亦字完天祖名先嘉興人以滅倭守
邊功累陞都督僉事福建總兵請告後家長洲烏
鵲橋之東子紱死於孝 劉以節行稱祖文紱子
也應世襲蘇州衛指揮不就讓於弟祖武讀書勵
行爲諸生痛母氏苦節未揚居恒鬱鬱吏部郎周
順昌未習識祖文緣孝廉文震孟言重母行白之
當事得題旌部牒下郡祖文始知感激泣下欲爲

元和縣志

卷二十四

人物

五

吏部死未有路方吏部之忤璫被逮也吳民倉皇
激變擊殺緹綺大吏草疏入告禍不測祖文念吏
部此行且死誰左右之者潛詣被囚所同宿公廨
中夜謂吏部曰公慷慨就道良善然事未可知脫
有緩急誰可告者吾當先往爲地吏部曰徐銀臺
名如 肝膽照人必能濟事顧侍御 名宗 意氣不薄
珂 可與計議外此則鹿定興 名善 繼 范吳橋 名景 文 孫容
城 名奇 急難皆可相告祖文別去先走都下比吏
部嬰極刑入獄凡棘狴間納饘薦蓐吮瘡浣血一

一陰爲措置已懸賊三千祖文私幸得旦夕告宗
或緩死百法勾貸都下不足獨身走定興走吳橋
走容城變姓名觸暑潦冒昏夜間關千餘里摺摭
稍就而吏部斃獄矣當是時奸黨欲盡殺正士羅
網密布而祖文得脫於危幸也顧自念事不就又
跋涉道路不及親視吏部殮每清夜感慟淚盡飲
血聞者悽惻歸未幾緣哭吏部故勞悴憤滿發病
死同時有未德升者名陞宣著孝行萬歷壬子與
吏部同舉於鄉吏部被逮時陞宣晨夕省視同飲

食坐臥人以避裊諷之陞宣怡然自若後恤吏部
家盡力歿後私諡孝介與祖文稱二朱先生

沙舜臣字子升由長洲籍補郡庠生素尚氣節當魏
璫矯旨逮吏部周順昌開讀時巡撫毛一鷺巡按
徐吉及道府以下皆在士民坌集舜臣偕諸生王
節劉羽儀王景臯殷獻臣楊廷樞文震亨等直前
謂一鷺曰今人情如此明公獨不爲青史計乎緩
宣詔書據實上聞請撫按勘治惟明公責一鷺謾
應諸生更慷慨言曰微聞道路知事所繇起願明

公終始之一鷺憤然曰諸生誦法孔子知君臣大義詔在卽君父在也敢羣聚而譁皆答曰豈唯君父二祖列宗實式憑焉諸生奉明公教萬一他日立朝遇此等事決當以死爭往復不決官旗激衆怒衆共擊之至有死者撫按草疏告變具獄後殺顏佩韋等五人黜王節等諸人錮獄舜臣與焉璫敗後始釋舜臣事母孝與弟舜年舜民晨夕伺顏色問起居出門不敢越百里外時稱一門三孝云馬士鯉字雲達工鐫刻天啓間吳中爲魏闡建祠立

元和縣志

卷二十四

人物

七

碑刻文須能手巡撫毛一鷺檄府縣飭士鯉鐫刻士鯉曰安民不列姓名故善然已污我手矣宵遁免後魏給事大中被逮過吳周吏部順昌欲以幼女字其孫倉卒無媒氏士鯉任之

宋學朱字用晦代居葑門中崇禎四年進士授南京工部主事管寶源局改雲南道監察御史巡按山東方學朱出巡章邱大兵破居庸城南下本兵楊嗣昌檄山東巡撫顏繼祖握兵移鎮德州大監高起潛擁重兵駐臨清名聲援實觀望也時遠近震

動濟南無守禦備學朱曰此藩封重地吾雖無守
土責然吾不死守誰當守者卽馳還與布政張秉
文以下議守城閱城中兵止鄉兵五百及萊州援
兵七百人皆不堪用學朱歎曰張空誇冒白刃事
勢至此死無日矣移檄高起潛不發一兵先後七
上疏皆留中學朱見無救兵至卽率士卒登陴設
扞禦策檄州縣訓練民兵部署方定外圍合凡三
十餘日城中糧不給乞德王發帑金犒軍設佛郎
機穴城墉向外轟擊復縱奇兵出戰長圍稍却越

九日城外添兵合圍矢石雲集明年正月二日黎
明學朱與兵備道周之訓等守東南門忽報攻西
北城甚急大兵肉薄爭上學朱躍馬循城而西持
挺格鬪刃中於面被縛去不屈死於城樓之旌竿
有頃城樓焚尸遂燼之訓亦死兵退學朱長子德
寬抵濟南遍求父尸不得招魂以殮撫按累疏請
卹奉旨覆勘次子德宜伏闕上書旨察議終不決
方學朱官御史時曾劾楊嗣昌奪情請援兵時嗣
昌在樞輔欲掣其肘故不報後議卹典久格南渡

後贈太常卿

顧繩詒字敬承葑門人其志仲子也崇禎庚午領鄉薦選授成都仁壽縣時流賊張獻忠破蜀據會城以繩詒循吏素得衆心遣人說之降繩詒大聲叱曰汝不識顧某爲何人吾恨不剗刃賊腹雪國恥顧從汝耶罵不絕口說者去繩詒馳馬入學宮拜先聖復向闕拜自經死民感其義座龍腦橋側袁扉字雪封長洲諸生幼孤居祖喪盡誠盡禮廬墓三年母沒亦如之哭母氣息不屬兩目幾損或勸

元和縣志

卷二十四

人物

九

之曰與其不及情母寧過情予惡夫託先王之禮以文其涼薄也遺產悉付諸弟已與婦晨夕不給至摘馬蘭杞菊爲食婦亦無怨言族有五喪未舉者代爲營喪婦死終身不再娶後棄諸生入深山終著有世範錄易經闡解等書

周大啓字開美崇禎甲戌進士授黃州府推官有政聲後晉除知黃州府事時流寇披猖往復屠掠全楚潰敗大啓至則黃州城已被毀矣乃召民負土竟月城完如故會遷提督學道百姓遮留不得遂

抵辰州大啓掌文事有權畧聞賊兵至率土司兵及吏民計萬人逆賊於桃源賊不敢犯乃走蜀甲申三月聞變慟哭望闕再拜不食死士民哀慟藁葬於辰州立祠祀之

盛王贊字子裁本吳江人後移居婁門年五十餘成進士令浙之蘭溪發摘如神鄰邑湯溪有奸徒聚衆引漳汀人抄掠令不能治巡撫檄王贊辦之比至服其威名卽解散去縛其魁三四人境內貼然素清苦自食粗糲妻布素衙齋中不輟紡織舉卓

元和縣志

卷二十四

人物

十

異第一入覲條地方利弊三事曰南糧曰驛遞曰盜賊上嘉獎之以忤巡按王範意彈奏落職一日上語閣臣盛王贊何以被叅奏對不善事上官上曰此強項令也甲辰吳撫張國維乞爲東陽令國維東陽人也遂補官甫蒞任丁內艱歸晚歲不能具饘粥吳人過蘭溪遺愛祠見守祠僧徒寬然衣食曰盛公轉不如也

蔣鉉字伯玉蔣圩人弱冠食餼于庠講經濟學南刑部侍郎王心一知之深几軍國重務降心商確時

流寇蜂起朝命心一修留都所屬城費帑金數萬人役百萬餘工心一專委之鉉上不費國下不蝨民功速而城完當路者知其才大司馬張國維撫吳尤敬禮以四方多難諮人材於鉉鉉薦布衣程周祐知勇可用卽以兵柄授之後於六合大破流寇國維寓書於鉉謂使寇不得渡江而南皆君薦士力也崇禎十二年詔舉賢良方正國維首薦鉉筮易得隨之明夷蹇然曰此何時尚不思韜聲匿迹耶稱疾不赴年七十六終於家

元和縣志

卷二十四

人物

十一

陳道立字企洋甫里人於書無不讀尤喜論兵崇禎辛未流賊南下巡撫張國維督師禦賊以道立爲記室有調度功賊退敘績題請不受

國朝初總督李延齡以人才薦不起晚年以詩酒自娛終

薄珏字子珏嘉興籍其學精微奧博莫測所授崇禎中流寇犯安慶巡撫張公國維令珏造銅砲砲發三十里每發一砲設千里鏡眎賊所在賊先後糜惆又製水車水銃地雷地弩等器殲賊殆盡張公

薦於朝不報退歸吳門蕭然蓬戶如枯僧也室中器具畢備操觚著書暇忽煅煉忽浪刻忽運斤嘗造渾天儀周圍不踰尺而日月之盈縮抗納星辰之宿離伏逆不爽累黍其法用直線分割圓輪以有定之角絜無定之邊東西南北遠至億萬里如在咫尺又論漢唐宋諸歷家推算獨推郭守敬授時歷爲是其名海外亦重之然卒以窮死所著有渾天儀圖說格物測地論等書

宋壽陽祖文子祖文故義士以身殉周忠介公之嶠

元和縣志

卷二十四

人物

十一

者也壽陽少歲補府庠生世襲應得蘇州衛指揮讓於弟壽康康死讓弟壽增使就官父有疾常割股肉代藥父沒一言行惟恐違曾祖都督先以禦倭寇功建專祠京口逆閹矯旨變易天下祠院都督祠亦在毀中壽陽負病匍匐泣訴當事當事憐之祠賴以存閹既誅郡縣以周忠介公故重其父推德其子贈官產五十畝弗受又贈金弗受人益重之顧生平有經世畧能言人所不敢言嘗條十七議於撫臣張國維時見采用崇禎壬午詔訪庠

序巖穴之士撫臣黃希憲檄符保舉知府陳宏謐
以壽陽薦授五經博士不就崇禎末卒於家
尤挺秀字實甫代居斜塘孝友著鄉里歲大饑邑令
聘主賑濟勤而不私全活無算地界吳淞金鏡湖
之間素窪下遇潦歲民苦征輸請於令列版籍水
區遠近蒙惠太守陳宏謐重其行舉鄉飲賔年八
十二歿子淪字遠公置役田立義塚賑貸貧者

繼父志

沈璜字璧甫居虎邱之西長身頽顏類河朔間人重

元和縣志

卷二十四

人物

十三

氣任俠往往急人之難嘗遊遼左督師袁崇煥延
爲上賓督師誤殺島帥璜知爲失策卽辭去及督
師擢重典酒闌燈炮未嘗不聲悲淚下也亂後之
烏目山夫婦爲兵所害

蔣若來字龍江婁門外人本名家子少歲無賴有大
力人不敢忤視與故將角力故將負妻以女以故
隸籍軍伍中時崇禎八年流賊連破河南江北諸
縣皇陵燼高迎祥李自成徑去張獻中獨東圍廬
州舒城等處若來在舒城中城外連營數十里晝

夜急攻若來夜適守城有賊渠踰城上已及女墻見若來臥以矛刺若來中頰若來揮刃斫之賊渠墮城下若來隨踊身下斬賊渠連殺數從賊賊中遙見謂天上飛來一營大譁曰天神至矣拔營走衆賊營俱走若來乘勢殺賊而城中知賊已亂遂開門縱兵追逐比曉賊奔竄百里外爲官兵所殺及自相蹂躪死者遍野溝塍皆滿以若來爲首功流賊攻桐城無爲潛山太湖宿松諸城應天巡撫張國維禦之獻忠從英霍遁若來屢立戰功拔軍

伍中至叅將明年賊從間道犯安慶若來以八百人出戰敗墮深塹中跳而上幾爲賊獲棄兜鍪雜卒伍中免時左良玉馬爨劉良佐令兵救之若來出奇兵接戰日晡不食赤手搏賊將擲賊所乘馬馬骨俱折遂大破賊賊走潛山之天王古塞國維移檄良玉搜山良玉不應尋北去賊復出太湖連蕪黃勢益熾會總兵牟文綬偕劉良佐來救若來藉二軍力大破賊賊始遁入湖廣以功拜右都督府守安慶十五年獻忠陷舒城若來又戰敗奉旨

帶罪立功是年秋偕黃得功劉良佐復大破賊於
潛山復原官賜玉帶仍守安慶後

士師定鼎所過臣服若來曰我以匹夫受天子厚恩
安能事兩朝作再醮婦耶召諸將至與痛飲曰諸
公好爲之各人做各人事不相強也呼愛妾出手
之遂自殺於坐上

楊廷樞字維斗一字復庵成孫大滌子也崇禎庚午
舉鄉試第一時東林之後繼以復社學士大夫相
與砥礪名行而廷樞尤以一代文章節義爲己任

元和縣志

卷二十四

人物

十五

宏獎風流激揚清濁海內之士視其言論風旨以
爲輕重負 而遊者數千人有東南夫子之稱又
與同里徐汧婁東張溥張采並稱臯里吳趨西銘
南郭四先生臯里廷樞所居也周忠介被逮廷樞
身左右之幾被禍弗恤也顧秉謙呂純如輩以逆
案廢歸廷樞力持清議使不得與鄉之士大夫齒
阮大鍼居金陵復社之士爲南都防亂揭廷樞曰
此當如顧秉謙已事在一鄉則一鄉攻之耳不必
廣 江楚閩浙人以示之黨大鍼聞急遣使乞哀

求解廷樞曰吾所言者國體耳豈庇大鍼耶由是
大鍼深銜之南都後大鍼得志修宿怨構大獄或
勸廷樞稍委蛇以自解廷樞曰修身俟命儉德避
難他非所知也甲申聞變北向慟哭誓以死赴乙
酉廬墓鄧尉山不復入城市丁亥被難抗辭不屈
死甚烈有絕命詞十二首書之衣幅激烈悲壯與
正氣歌比埒學者私謚忠文先生弟廷禎字公幹
少爲諸生與兄齊名早卒子旡咎字震伯方廷樞
殉難時甫十二歲旣長曰先君大故恨未從死自
九卒私謚正孝

許琰字玉仲吳縣諸生長洲甫里人自勵志節崇禎
十七年三月流賊破京師思陵殉社稷問至諸生
臨明倫堂琰衰杖擗踊盡哀已南都頒監國詔而
哀詔未頒又詔中無討賊意琰憤甚走訴大姓謀
倡義舉兵無應者益憤自經於福濟觀道士解救
不死復沈於胥江時潞王奔吳將適越泊舟胥江

令人扶救之琰年爲潞王責以 南方義士合兵
討賊王亂以他辭不應琰厲聲曰琰江左一秀才
耳平日誦聖賢書尚知君父之讐不共戴天王爲
天子懿親入與天子共起居出分天子社稷之寄
一旦國破君亡不思恢復何面目見二祖列宗耶
王不應琰知王無復仇意 椎胸曰死耳躍入江
隣舟復救之舁至家家人曰夕守不得死尋聞哀
詔至卽庭中稽首號慟遂絕粒妻趙携幼子泣勸
之食飲以湯琰自嚼其舌噴血被面及肢體自書

元和縣志

卷二十四

人物

十七

崇禎聖上四字凡數處七日死學者私謚潛忠先
生祀旌忠祠

顧所受字東吾長洲生與許琰善聞琰死往哭曰公
死矣後死者其誰與歸及南都擁立君臣偷安柄
國者漁聲色營苞苴黨邪害正所受居常憤憤時
齧臂出血明年

王師渡江崩角恐後所受詣琰殯告曰受所以不死
者欲有所俟以成公志也今已矣敢不從公地下
至學宮拜先聖訖投泮池中死暴尸烈日中神色

如生

顧維寰長洲生喜談古今忠烈崇禎甲申四月帝凶
問至吳諸生哭於郡學直指周一敬謁廟衣緋衣
鳴金呵殿揚揚而來諸生中有黝而長者爲張長
瀾與維寰前數直指曰此乾坤何等時猶服此服
耶指明倫堂額示之褫其 直指惶悚然猶稱流
寇爲西兵維寰睡口逆賊逆天犯上凡帶毛髮含
血氣者皆欲食賊之肉公稱如敵國意何爲直指
不敢對逡巡去兩人歎曰祖宗養士三百年今高

元和縣志

卷二十四

人物

十八

厚祿者如此大事可知矣是夜誤傳長瀾自經
維寰曰我不可後越五日經於祖墓前古松樹下
長瀾雖未死然終其身亦不辱志行

許王家字君聘蘇州郡學生國變隱居搖城有吏趣
之出封利劍一示以期日不出卽死王家曰死分
也吾固甘之或勸王家謂君一諸生未食天祿何
遽以身殉王家曰君臣之義豈論仕不仕耶吾讀
孔子書殺身成仁求生害仁已講之熟公等勿復
言以父母屬妻顧曰爾善事堂上吾不能終養矣

父母知志不可奪含涕謂曰 女志勿念我二人王家肅衣冠再拜赴湖水死年三十九

湯傳楹字卿謀比部元洲子雖爲貴公子高才生而庭訓志趣各殊恒悒悒不自得善詩歌得昌谷體年二十五甲申之變感憤死婦丁哀慟越宿死有湘中草行世

鄭敷教字士敬名儒光宙子湛深經術天啓中吳中倡爲文社相祗礪其時鉅儒太倉推張溥張采常熟推錢禧楊彝華亭推陳子龍夏允彝吳中推楊

元和縣志

卷二十四

人物

十九

廷樞劉曙而敷教掉鞅其間分主五經文字之選崇正庚午廷樞解南畿敷教與張溥陳子龍夏允彝同舉於鄉一時文風士氣爲之丕變後加溘廣於是雲間幾社浙西聞社金陵南社歷亭席社崑陽雲簪社山左大社統會於吳號爲復社聲氣之孚應於千里而黨人之禍將作矣思陵慮風俗之弊由於士習而閣臣希旨奏溥等樹黨挾持讒言罔極禍幾不測至崇禎十五年御史金毓峒給事中姜埰各上疏白其事始奉旨不以語言文字罪

人社局稍定而溥與敷教等始得高枕臥至南都時阮大鍼等復翻舊案吳中諸名士幾瀕於危而敷教等絕無悔尤意甘如飴也敷教生徒之盛亞於廷樞而韜光養晦卒以自全可謂明哲保身者矣年七十卒於家門人私謚貞獻先生子之謨字仙峩長庠生貫穿經史學 禎庚午有房考潛通關節之謨恥以非禮進謝之竟不赴 南渡後

隱居養親述作自命不媿

門後云

元和縣志

卷二十四

人物

二十

許元溥字孟宏甫里人父中書舍人自昌以讀書起家溥少穎異崇禎庚午舉於鄉時東南名士倡爲文社爭欲得溥溥所選古今文皆有典則甲申後遂不應試蒔蘭藝菊賓客到門相與賦詩譚讌留榻歛洽蕭然煙水間而已年五十卒

陸坦字履長父嘉穎居閩門外山塘嘉穎以吏起家力於爲善有硯癖自號硯隱坦生時嘉穎夢石化爲龍長而讀書有骨幹舉崇禎庚午鄉試與楊廷區鄭敷教許元溥稱吳門四孝廉俱以名義自持

爲鄉里清議所宗主然不事詭激多陰行善歲饑疫癘並起郡守屬坦設法賑濟有閉糴者坦率里中人長跪請閉糴者感動飢民卒賴以濟有少子與鄰兒戲青右目遂以死隣父恐棄其家遁坦使人招之歸曰吾子死於命非若子過也其仁厚如此甲申選南豐令不就隱 劓鄧尉間年六十餘卒

吳适字幼洪少穎異從楊忠文廷樞受學中崇禎丁丑進士釋褐除衢州司李決冤獄多所平反以卓

元和縣志

卷二十四

人物

二十一

異徵戶科給事中時遭喪亂馬阮秉政羣小叢集閣臣 曰廣御史劉宗周相繼去适憤激極言老臣淪棄可惜而勲臣趙之龍薦舉匪人壅遏言路特疏糾之先是适進兵科總兵寧南侯左良玉方與馬阮交惡舉兵焚武昌以清君側爲名忌者謂出适意又以适薦侍郎楊鶚疏中有與良玉忼慨同仇語爲証遂下於理於是逆黨諸臣爭欲殺之而南都已不守明遂亡矣歸田後治西園讀書年築不動軒自謂有契於孟氏之旨五十卒

家

張拱端字孟恭 度昭勇將軍原籍山西太原官於
吳樂其風土因家焉拱端聰穎絕人過目成誦爲
諸生好奇任俠遊楊忠文徐文靖之門稱入室弟
子後應辟授職方主事遘國變楊徐皆殉節拱端
遂逃於禪易名興機以其學授二子七女皆工詩
善畫築別墅虎邱栖隱其間晚歲失明年九十餘
卒有孤雲集

葦壯輿字方雷虎邱山塘人名諸生相貌奇偉膂力

元和縣志

卷二十四

人物

二十一

過人當明季多難嘗慷慨激發有枕戈擊楫之志
甲申後從史閣部於軍臨陣江上力戰死之

葉襄字聖野少穎敏父教授江左從母受學母張賢
母也諭襄曰子瞻年穉弗克從明允以遊學邠原
家貧復弗能入鄉塾以從師奈何襄聞命銳志經
學爲名諸生時楊忠文廷樞聯復社吳中襄執經
稱高弟子而襄之名日上甲申後高隱不出詩屏
鍾譚餘論嚴持科律一以唐人爲師

陸世塗字彥修陳墓人崇禎己卯登鄉薦鼎革後不

赴公車布袍櫛履遁跡湖濱以詩酒山水自放與
世人少交接獨喜同里後進陳載錫載錫字三卿
邑諸生敦厚孝友撫孤姪景秀飲食教誨踰已出
後景琇成進士載錫卒景琇服三年喪載錫著有
雲間草堂詩

文瑜字潤甫工畫山水不一家生平無定居或
寓結草庵或東禪寺竹堂寺爐香椀茗到處自隨
每日二童子侍側一供磨墨一供滌硯俱通畫理
有以勢力索取者命童子點筆應付之太倉吳梅

元和縣志

卷二十四

人物

二十三

村作畫中九友歌文瑜與焉女夫俞絲亦以畫名
蔣鉞字仲雄隱居吳淞間以詩名專工樂府古詩以
寄其慷慨諷諭之意

可以識其品槩矣

蔣獻陞字君玉高州守彬孫一駿子也有至性母久
臥病奉醫藥三年無倦色母歿哀毀骨立幾成瘵
疾父感動遂不再娶既父歿時祖母年七十八有
出疾獻陞恐傷其心每哭泣不敢出聲而枕席

血痕常斑然祖母嘗謂人曰我老年喪子不至會
煢獨憂者賴此孫也未弱冠時著聲庠序鼎革後
築室深山中惟以讀書著述爲業山人亦罕見
其面年八十二卒著有禮記萃珠詩經題竅見聞
訓等書

文從昌字順之號南岳至性 人事父母以孝聞父
疾中夜籲天黎明叩顙郡廟數十日無間母性嚴
時或徵色發聲則長跪以請俟霽顏後已爲人質
直無矯飾天資敏捷古文詞畫皆得大意構蔭白
元和縣志

卷二十四

人物

二十四

堂于忠烈祠旁植花栽竹優遊樂志以終

國朝

顧廷琦字佩堅長洲生父繩詒崇禎末知蜀之仁壽
縣張獻忠破成都不屈死天下既定廷琦子身入
蜀遇川水暴漲幾死絕粒數日幾死遇強梁遭豺
虎墜深淵幾死閱四寒暑始扶襯歸方廷琦之成
都不知父瘞薶處呼號路側誓不欲生由遵義民
訪殷繼周黃珪由殷繼周黃珪訪文運由文運訪
曾大禮始得之龍腦橋側廬墓數月哀感行路往

返萬四千餘里抵里門鬚髮盡白矣劉龍光字蓼
蕭父廷諤官益王長史國初道梗不通龍光扶病
至盱江故人無在者禱於張令公之神夢中告以
石滌一語然不知所謂久之遇一女僧云石滌在
閩廣交方今阻兵須問道可達龍光冒死踰白石
嶺而下果得母於石滌空 中名見娘材宋時孝
子王龍山見母處父已先一年沒矣奉母扶櫬歸
孝養十餘年母沒

彭行先字務敏號貽令晚居東城之竹堂一號竹里

元和縣志

卷二十四

人物

二十五

老人父汝諧萬歷丙辰進士未釋褐卒行先其仲
子也生而端慤不苟言笑稍長通六書誦五經崇
禎末拔貢生謁選考授縣令甲申後志不求進獨
肆力於古文辭雅善書法尤習前朝典故對客媿
媿以爲常已而從孫定求以第一人及第未幾孤
孫寧求又以第三人入翰林門第華耀行先日夕
鍵戶謝賓客湯公斌開府吳中命有司延致固辭
致書幣亦不輕受報謁年九十二以壽終

徐汝璞字我石號雪漁周莊鎮人敦孝友嗜讀書寄

情歌詠所居近白蜺江與詩人衲子雨蓑烟艇常
出沒濤浪間見者疑陸天隨張志和也弟汝珍字
次玉好任俠應試留都常揮千金結四方名流因與
貴池吳次尾常州陳定生善馬阮欲殺二人幾及
之汝璞乃匿其弟避跡吳山中足跡不入城府長
歌短韻放浪傲睨以終所 有塞齋集松陵詩選
年七十二卒高人吳之紀志其墓

顧鰲吳縣人順治改元方二歲父仲常與金瑞夫博
金不勝以刃刺仲常脇仲常以手奉脅歸曰殺我

元和縣志

卷二十四

人物

二十六

者金瑞夫言訖死時

王師初下江南無可控理鰲稍長詢父死狀母告之
卽市一利刃淬之挾以出入中夜念父每號慟嘗
顧影自言汝爲帶毛髮男子不復讎無以立天地
間母輒止之曰金橫暴鄉里汝年小勿以命試也
金微聞心動出入謹避之辛丑冬金跨馬行胥口
塘鰲卒遇尾其後行金顧見鰲欲加策疾馳鰲跳
踴刺之金中傷下馬投入水鰲亦投入水連刺傷
額金奪鰲刃亦刺鰲俱死於水寺僧救之俱甦金

誣以盜賄於官將具獄兵備王紀訊得實謂既殺其父又誣其子雖經屢赦罪不宥巡撫韓世琦上聞斬金於市鰲移居葑門之楊枝塘年三十餘而死

范可詢字問之系出文正公爲郎中房十八世孫生有至行悉以遺貲讓弟屏居白公堤畔爲人樂易未嘗失色於人文正有贍族義莊族衆推舉爲堤管竭心經理三十餘年族賴以賙有同事乾沒義租公私交累毅然傾產代爲之償康熙壬申歲可

元和縣志

卷二十四

人物

二十七

詢年六十七矣督修天平山祖廟不辭勞瘁病腸卒族人德之配食文正書院及忠烈廟子彌勲號漁莊太學生授職不仕克承先志以勤儉起家積良田千畝易簣時遺命其子瑤盡數入義莊用廣文正遺澤雍正八年江蘇巡撫尹公上其事

世宗憲皇帝詔旨旌獎擢瑤刑部員外出知山西大同府事族人復公建專祠祀彌勲于文正書院事在相國嵇文敏公記中可詢一門父子祖孫可謂無忝世德者矣

褚篆字蒼書長洲生邃於經學年既老同學者半爲
古人而篆以前明遺老抱遺經待人叩問時比之
伏生申公所居松吟堂不達市廛翛然若人世外
前人碑版羅列斐几暇則作書求者必應己卯歲
聖祖仁皇帝南巡

召見行在書行草各一幅

上嘉獎賜海鶴風姿四大字以榮之時篆年九十有
三又一年考終

顧苓字云美太僕卿存仁後鍵戶讀書潛心篆隸學

元和縣志

卷二十四

人物

二十七

家多載籍專工博雅凡金石碑版以及鼎彝刀尺
欸識蟲魚蝌蚪之書皆能誦之晚而篆隸益精臨
摹秦漢牙章玉印砉然奏刀見者以爲高出趙子
昂吾士行文三橋也所居虎邱山塘蕭然敝廬中
懸思陵御書時肅衣冠再拜欵獻太息識者知其
困鬱不舒絕匿名迹有以也女一妻瞿稼軒式耜
子易其名姓俾脫於禍人尤高之著有塔影園稿
六卷

宋宓字御之初名德寬侍御學朱長子侍御殉難山

東宓年纔弱冠徒跣達濟南濟南以兵火後積骸
成莽有小吏指侍御遇害處從其言徧求灰燼中
刺血滴骸骨晝夜號泣終不得迺招魂以斂尋伏
闕請恤哀動黼座旣長偕兩弟發憤力學順治戊
子弟德宜舉南闈辛卯弟德宏舉北闈乙未德宜
成進士旋列禁近躋卿貳而宓至康熙丁巳舉順
天試蓋至是數入棘闈矣歲甲子子廣業令直隸
臨城值大旱民懸正額宓典遺產代民償逋兼設
粥賑濟民德之爲立功德祠廣業字性存由拔貢

元和縣志

卷二十四

人物

二十八

生仕至濟東道祀名宦

章在茲字素文吳縣諸生家長洲之濂溪坊崇禎間
文社盛在茲卽有名於時操經義選政

國朝辛卯壬辰以後清音選本行天下每行卷房書
出各省賈人先納直坊間必待清音乃去坊人具
幣聘盛供給如待神明有時序文旣發偶爲婢僕
所留心厚餽劇讌而後得選家之盛自周介生范
文白以來未有及清音者也然在茲久困諸生丁
酉始中副榜八成均謁大司成於彝倫堂大司成

係吳中同社友向以文字就質受在茲譏彈改定者故嚴峻其禮以愧之在茲豪氣摧抑嘗言李廣不侯而李蔡侯真咄咄怪事方謁選病卒

彭瓏字雲客葑門人中順治丁酉順天試己亥成進士授廣東長寧縣未幾去官少歲耽玩理學以居敬窮理括大學宗旨以戒懼慎獨括中庸宗旨教授學者月朔望課文文星閣下遠近至者三百餘人每科得儒士林林相望受業者亦皆敦尚名教不事斲弛不問知爲彭先生弟子也年七十七沒

元和縣志

卷二十四

人物

二十九

子貴贈國子司業

宋德宏字疇三順治辛卯舉人重交遊慨前明復社爲溫體仁阮大鍼諸奸掎擊名賢淪喪思繼續盛事與彭進士瓏吳廣文愉偕兄舉人德宓大學士德宜舉慎交社四方來吳者適館授餐傾產弗靳爲文醞釀深厚設教城南生徒雲集時方之河汾之門歿年三十四門人私謚正誼先生以子定業貴贈兵部武庫司郎中

蔣德竣字公遜順治辛丑進士性至孝父病割股療

之父卒哀毀至極入都遇盜同舟二人皆被劫德
竣僅免存白金數十兩分給二人爲置襪被庀靡
履而別歲飢傾家賑濟全活數千人月給緡錢爲
乳嬰費施絮施棺埋胔掩骼每歲無筭臨卒以腴
田百三十畝爲義莊以贍族以百二十畝助於育
嬰堂里人感其義請之有司建祠春秋祀享仲兄
維城字公表醇朴孝友與弟德竣並善事父兄家
庭之內融融樂易父卒盡哀兄歿撫孤二人至性
如一凡置產贍宗捐田育嬰及歲歉賑飢諸善行

元和縣志

卷二十四

人物

三十

若壘箴之唱和焉年六十餘猶應舉不第以明經
學博終其身

張慶孫字曾餘世居嘉定父慎德徙郡城之東偏以
儒教授故爲長洲人慶孫讀父書廬於匠門溪上
老樹扶疎清流蔭席聚生徒說經曉暢厥旨後徒
益衆常臨溪買魚借圃植蔬以給都養舉甲午鄉
試旋以逋稅罣誤屏不得與南宮試晚年益以賦
詩課子爲事年六十有二卒弟子稱之曰履素先
生有尚書集要侶蛩齋集

汪琬字茗文號鈍翁乙未進士授戶部主事旋爲員外郎左遷西城兵馬司已而分司大通橋權龍江關稅務家居十餘載以博學宏詞徵授翰林院編修與修明史琬宦不達浮沉郎署入史館者無幾時而直節峻望爲清議所宗詩文稱一代作者與新城王阮亭中州湯潛菴大梁梁曰緝宛陵施愚山輩切劘砥礪蘊藉深醇精嚴法律本朝數十年來以古文名家者未能或先也性伉直不容人過人皆嚴憚之中歲解組隱居堯峯山麓徵辟後又

元和縣志

卷二十四

人物

三十一

葺山塘別業所謂邱南小隱者居之著有類稿續稿堯峯文鈔卒年六十七私謚文清先生其著籍弟子顧希喆計炳董文琛侯官林佶爲立祠邱南尤侗字展成號悔菴晚自稱西堂老人居城東葑門侗生而警敏博聞強記有才名以貢謁選除永平府司李以法繩旗丁降調後以博學宏詞徵授翰林檢討直史館旋告歸侗才情綺麗風流宏長和易近人不爲崖岸後進以詩文縑素請者必滿其志去人咸樂就之己卯

天子南巡召見行殿

御書鶴栖堂匾賜之卽家晉侍講時年已八十有

矣先是侗清詞麗句流傳 禁庭

草皇帝有眞才子之目而

聖祖亦以老名士重之晚而刊落才華歸於平澹識者

謂元之楊鐵崖差足相仿云

許定升字升年一字香谷甫里人生而敦樸有文甲

午舉於鄉中乙榜例得教非其志也閉門讀書二

十年謁選得阜城令阜城頻值歲饑民持男女易

元和縣志

卷二十四

人物

三十一

斗米升設法賑濟民賴以食邑多盜小不稔卽劫

掠賈客謂之響馬不可究詰升下車廉得其巢窟

縛什伍杖殺之民賴以安居官公廉出入惟驚騎

以一隸自隨曰民力幾何而事呵殿爲後挂冠歸

值歲凶特設粥以食餓者里中子某旣許助百石

矣已而悔吝不與衆將踣之升曰本欲活人而躡

一家不可我尚有薄田二頃無慮也卒盡斥賣以

爲設粥費餘如育嬰卹樁諸善事歲必舉行鄉人

至今稱道之子廷鏞字子遜工詩康熙庚子順天

